

六修族谱源流汇考

吾族之先夏居有扈之南郊国于甘遂以为氏当殷之时盘字新三为王者师书曰台小子旧学于甘盘是也至周之德明天文仕于齐秦之尤与商鞅力议变法有茂起下蔡被谗而解相印奔于丹阳（今南京地）厥孙曰罗复为上卿又有若龙者尝论至德安邦为万世不易之良法及汉代有曰延寿字君况由羽林都护校尉奉使斩郅支单于晋爵为义成侯降而三国甯字兴霸仕吴为折卫将军擒黄祖破曹瞞号江表虎臣子曰怀徙会稽曰述官尚书生菖为太子太傅菖生卓字季思从晋帝渡江拜前锋都督及荆梁二州牧领镇南节度使兄之子曰印行参军事然则自夏殷周秦汉晋以来我甘氏之显于历朝彪炳经史固已稽之图经有战字伯伍世居豫章丰城以孝行推于乡晋末淡视仕宦师事同郡之旌阳令许逊许既超举战得其秘还丰城修长生久视之道陈大建元年乘云而昇宋至和中封精行真人至今县治之坛井犹存神留清都观旧名飞簃观者是其子孙派衍丰城五季时左都钤辖公从矩仕于南唐宋太祖之开宝元年赉丰城图于汴京三年卒赠丰城伯生大夫真字季祥初为砥功夫大夫以劳绩晋授银青光禄大夫兼监察御史等官食邑一千五百户封丰城开国伯子侔字祖砥袭伯爵食邑如之生为显官没为显神多人且庙祀之侔生十子其第七者曰令询分徙丰城之下莊询长子颜颜生海海生释徙营场释生惊惊生简

为湖北德安府经历简第五子和和生舒舒第四子宗延延长子如山山生郁官湖北武昌府教授郁生恣为福建福州府闽县教谕恣长子纹萌于南宋时知广东南雄事萌长子应密补国子上舍萌次子讳梓梓长子讳丙丙生 学文公字万山号行之于前明洪武五年壬子岁由吴西之营场改籍楚南卜衡山河东之义门何家冲闢塔邨而居之后人之建其祠曰立爱堂公生子八曰本通字者融曰本礼字者敬曰本达字者尊曰本义字者利曰本沅字者善曰本会字者友曰本运字者启曰本世字者兴猗欤休哉观于旧谱所序所谓兄弟弟数符周士之多父父子子术得陶朱之要遊不一方习不一业积德累功不一事蓋已大有所树立矣若夫吾迁潭祖 仲宣公字效粲湘楼者乃 本达公之冢子 学文公之慈孙也邃于经史年十四入邑庠十九食廩饩旋膺选拔荐而未售既而与其弟仲冕分析留弟居衡山守先人塋墓公则挈其妻子去何家冲逾石陂岭卜于中湘朱亭之古九都垅範罗山而居焉 公之子二长曰维端讳佩韦有干济才佐父理家政次曰维礼讳佩玖为国子舍人公既席先业甚丰而又加以休养生息肆家业日隆隆超数鬲闕之栋宇园土十居四五时人有小陶朱之目迹其一苇亭之左朱张桥之东土王庙之口有甘家码头登狮子岭立祖师殿作吸江亭于其上醵金而购田设济人义渡又有天府庙关圣庙乾元宫五穀先锋等殿历与街塘坊一带胥其遗址焉传至五派曰镗者字罗山明锡寿官曰鏞者字乐山一字罗桥乃端祖之曾孙也曰镇者字问山即凤冈曰锐者字崧山曰鶚者字巍山乃礼祖之曾孙也其时瓜绵椒衍碁

布星罗则又分居于柏树下石头湾神泉湾石陂口等处他如黄龙桥侧而石髻头观音山铜鼓塘桑田冲塔背冲塘背冲过龙凤桥上而李家湾天马山梅冲长冲双石门遂纵横数之而魏家冲李马塘沙树塘山田冲大塘冲至于长岭沙家营大田营严冲龙井坳水陂曲尺塘大桥寺春石湾石桥寺武家坝以及泥陂港湴溪窑里蒋家冲本命塘凤凰冲由朱亭下而株洲易俗河长沙上之周家垅等处则其分而又分类皆先人邨木之乡也带水环山田既连夫阡陌以财雄于乡者有之揆文奋武人既饫夫诗书以官遊于外者有之炳炳烺烺极一时之盛丁有明之季群盗如毛荼毒生灵属在邻邑者无论已即古潭州之刘之莫之谢之胡之郭之尹之徐之李等姓或改姓或迁居方避乱之不暇而凤凰山之流寇刘方保黄潮先等哨聚熊苏诸贼招前明叛将郑斯爱久据之蹂躏掳掠衡湘震荡居民苦之况我先人之庐离贼巢不远又与贼拒杀刘贼遇甘人即杀时八派祖例贡生九畴公者智计绝殊见势不敌思有以避其锋会族人于田心垅而筹之曰贼与我不两立盍易其姓以给之于是以仲宣公来自义门何家冲地因变其姓为何其即前代以地为氏之遗意也欤究之寇讐已深向之宗寝与住宅俗呼石门庐九进十八厅者卒为寇毁匪惟所藏江右之宗谱为之一燹且波及先人八辈补袞公倔强不服竟遇害夷考其时明崇祯之十有七年甲申岁正月廿一日事也公衒之入骨誓不欲生乃募壮士练乡勇欲图其隙以报之弗获我朝定鼎后康熙元年壬寅秋天子命大将洪阁部经略（即洪承畴也）专征伐移檄遊击将军武殿沅讨之公乘机与

其胞兄刁恒添谷率所募士以从请为乡导会同军籍之徐守信等变通田单之兵法鞭火羊而夜攻之捣其巢穴驱贼酋于大墅邨而戮之党遂平阁部 题奏授恒为本府参将谷为辰州教授公为国子监教习公欲留其身以为恢复旧业计遂力辞于是出其烬馀先营墓庐于鹤鸟塘边以妥先人神主继营宫室于石门庐侧以安室家但寇患虽除而旧姓未复者诚以耳濡目染姓字登于国朝之版籍已久也乾隆丁酉岁端礼两祖裔合立宗祠于先人初卜居之九都垅范罗山下颜曰思本堂以仲宣公为宗示始迁也以义成侯为祖从其旧也家风如旧而气象弥新嗣是而朱亭何氏之称益艳此载在邑誌陈恪勤公所以有山林何氏擅等句焉俯查雍正庚戌两岁进士游六辉五二公纠合族人刱潭邑新谱局已开而稿未定游公应通道东齐司教之选临行嘱其女婿翰林检讨唐紫瑞作墨谱题词辉公赤染疾遂停藏其序于麓泊乾隆甲寅族师凤桥茂才馆于家塾值长至节祀先人于宗枋慨然思继乃 祖太学生濬川乃父名庠生屏山未竟之志谋合衡湘而通谱之秉笔草檄引乙卯秋闱凤桥隽矣奔走京华两就广文王事鞅掌公退之暇仅拟凡例作弁序墓表而源流待沦会札飭其门下士卓斋他珊紫潭甫田炳堂及黍谷晓沧静山丹山南浦等权遵前明李崆峒谱法缮迁潭蹄祖 仲宣公以下齿录故未暇远稽呜呼上治旁治下治谱岂易言哉即道光间先后开雕阅其原籍于吴之左右不一生没参差几等汉儒之集礼经迄无定论此谱之所由分修也旨哉欧阳文忠公之序沙溪谱也有曰自唐末之乱士族亡其家虽显族多失其代次大抵后燹

之后文字残阙而欲作为家谱非大费蒐罗参考众说莫能融会贯通朱文公之跋沙溪谱也亦有曰谱法不讲鲜有不失其真者噫嘻读二公之谱序谱跋后之作者宜何如其敬慎哉兹者访其源之来于吴之驪塘承其流之注于衡湘两邑有未敢勒跋涉之劳者得江西营场谱之演派源流图二篇元明清旧序一帙对衡山义门谱而核实之爰补其自宋初从矩公起至十九派丙公总立一合神主及衡山 学文公夫妇本达公夫妇俩辈神主于后寝之左龛按长至节与中秋节而祀之而后乃令窃叹 学祖以一人之身分而为千万子孙之身如螽之蛰蛰颺之緜緜夔乎尚已乃冠其旧牒于首作为族谱前后两集以见吴楚源流之远以征衡湘宗族之同也夫

纯一公外传

古来诗书所载夫合德如少君之从约礼孟光之符隐志尚已迨后能嗣其响者恒不数数观也湘之东 何公讳青诚字纯一德配阎夫妇流芳更足以抗美前修垂裕来叶焉 公士君子也少英敏倜傥有大志不获遂与宗族乡邑豪杰耆英诗酒唱和相往来踵 公之门者户限几为之穿而内助何母不辞中馈之劳可媲翦发之贤已可想见一斑矣且 公席丰履厚不琐琐为尺寸计收族敬宗倡建祠宇纠集坟

会廿三讼寢资餘八兩 公掌持二十余載陸續置田數十亩每歲清明日祀祖清數交遞永垂不朽建橋
樑扶孤幼設減糶重修朱市 关聖帝神像舉凡利濟之事无不慷慨樂為尤喜遊俠有曲直相爭片言立
折當其時何母為之無成代終謹慎不敗公是以無內顧忧遂其性情之樂宜其壽逾古稀以偕老終舉丈
夫子二長字周相次字超平率循旧服俱恢前緒 公夫婦獲福于其身以庇其子孫朴耕秀讀其丕振未
有艾矣家采兄与 公次嗣有儿女之好迩時予方与修全楚通誌过兄僑寓邑十八都之村訪山川人物
之美踰龙凤橋以躋观音山之巔乃何族祖塋在焉是山也望之蔚然而深秀即之犁然有可观何族之望
有由来耳返而登公之遺庐予兄亲家輩率其子若孫少長咸集以礼相见得悉其先后矩矱适闻族修譜
牒遂援筆以酬世好姻婭于不替

辛酉科舉人揀選知縣陈家集

泰恒翁七旬寿序

姻伯恒翁何老先生篤行君子也以庚辰年寿晋七旬丙子夏五家人因修家乘欲炜为文豫为先生
寿即以其文附諸譜焉頌純嘏也 誌芳型也詔后嗣而垂久遠意良美也炜慨然曰世之登上寿介繁祉
者大抵得自篤行者居多嘗觀古來名流如富公弼之修謹程公顥之老成以及潞國文公司馬温公皆前

代耆英其行事为人俱绳趋矩步不尚虚浮不立崖岸说者谓其获康强延福寿皆由笃行得之尝持此意以衡量当世盖百不获一焉若先生者洵可谓耆英矣炜季弟青鉴先生姪壻也知先生详且悉尝为炜道之先生自幼读书攻举子业甫冠知稼穡艰难遂欲貽谋于后不屑于干时者兢声华于名利场安处畎畝逍遥自适呼云作伴与月为邻非其中有所得也乌能若是每士君子造其庐聆其言论睹其衣冠不偕俗好敦崇古处遂咸以笃行君子目之呜呼自世风不古人心日偷即缙绅之家不免囿于习俗兢尚浮夸而乡里豪华巨族亦同流合污以声色货利为欢娱以酒食游戏相徵逐及见一二诚慤之士辄相与非笑之良药枯肠色斧伐性徃徃自戕其生而不觉亦大可慨矣而先生独率真无兢不染于习即于经理祠事秉公矢慎足为先人光今族谱续修公举先生为经理谱务亦取其心之公行之慎也至于事二人以孝闻处兄弟克敦友爱励己以勤持家以俭其笃行盖出自性生也今古稀矣犹精神矍铄无龙钟态而令嗣秀信兄亦谨守士少年老成饶有父风可谓有子矣尔曰庭趋桂子他时手抱蘭孙岂非从笃行中得来也哉况先生迩来心益好静静者寿之基也不慕荣利不好纷华一畝之宫萧然自得浩浩焉落落焉养静虚之体存淡定之天其气常舒其神自固惟古之仁者能与于斯是先生以仁得寿卜之于数亦决之于理他日由耄而耄而期颐其获寿并可豫券也谨序

明德翁中外合传

先民有言不知其先者观其后而其先可得而知也不知其亲者观其子而其亲可得而知也予生也晚族党中端人正士振作有为者大半得之传闻未亲杖履所幸者残膏剩馥沾被后人故由其子孙以溯其祖父或得十一于千百焉旧岁之春予以四修族谱居于祠适族彦汉森兄任谱经理见其笑语端凝举止慎重浑厚之气朴人眉宇心窃异之以为醴泉芝草原本固殊诚有如苏长公所云筑之也深培之也厚焉乃询其所自出兄曰先君子讳开淦号明德行三吾母刘慈人生吾与姊氏二人先君幼时颇事诗书厥后缘鉴于许鲁斋读书不废治生之说弃制举业经营家计课晴量雨外无他务其自奉俭约而供高堂甘旨则甚丰处昆季则友恭待族邻则公慎应事无巨细皆法度井然颇置田产聿新堂构当时母氏饮之秉柔嘉之则安淡泊之常机杼纺绩午夜不弛先君子之起家也母氏之力居多先君享年七十有奇而逝母氏则年已八十有三幸健步如常即今田园庐舍何莫非二老苦积而创之者予聆其所述作而曰有是哉观其后者知其先观其子者知其亲信不诬矣夫祖父遗範子孙则而效之如影随形汉森兄继体克肖守而能创是继世有象贤而其先人之行实举可知也兹谱告成予不揣固陋系之以传即以所闻所见于汉森兄者传其尊翁与尊慈非惟汉森兄之言不爽益信先民之言有可验焉是为传

族姪秀豐

根深翁中外传

古今来穷通得丧所可强者人事而不可测者天命蓋人事显而天命微也族伯根深翁讳开蟠行可太翁季似也为人慷慨正直不亢不卑自幼至壮勤俭居家德配刘慈人性镇静寡言勤纺绩寒暑不辍款宾客丰俭适宜凡事善成翁志肆翁益闢膏腴小富一乡惜艰于嗣诸娣从之虽至再至三而内和外辑绝不闻庭有诟谇声此其坤顺承天之义嚆彼小星之什殆闻之熟焉先儒云尽人事听天命翁以勤耕苦种尽人事而致富有验胡屡占杨梯天竟不为之诞降有识者能不扼腕而太息乎翁年逾八旬而逝慈人率诸娣凜霜履雪幸犹子汉森兄足以撑持门户为翁身后之主翁其可以媲美于唐之中书庐公云是为传

族姪秀豐

贈漢森兄序

人生大端莫先於敬宗收族敬宗則祠宇務期輝煌收族則譜牒務期詳核兩者皆任大責重之事苟非任用得人安能並行而不相悖哉我族 漢森兄乃 明德伯翁之桂林一枝也自幼束髮受書留心藝苑以鮮兄弟故甫弱冠遂棄舉子業一切家政獨力支持當先君子在堂就養無违禮值大故礪踊泣血謀

葬不惜重金 伯母劉慈人年逾八旬朝夕不離其側溫清必準夫禮不獨甘旨甚豐常倣戲綵以娛推其仁孝父母之心加諸伯叔父母無不然且推仁孝之心以及祖宗之事亦無不然 公綜理祠事有年錢穀出入絲毫不苟各祖墳會祀經營居多舊歲整修祠宇鳩工庀材勞瘁不辭稱貸墊賠色不少吝視族事如己事以祖心爲己心費用雖集腋成裘而奔馳未嘗稍懈今者寢廟既成 先靈妥矣徽 公之力曷克臻此未幾族有四修族譜之議擢 公任經理 公毅然曰整祠固敬宗大事而修譜亦收族良圖義不容辭豈肯置身局外乎於是倡捐斂費竭力經營公慎之心固其素矢二者兼舉而遞爲之其仔肩鉅任為何如也夫人於家族公事或短於才而自謝不敏或關於貲而臨事推諉即厠身其間而慾念未汰從而假公齊私者不知凡幾 公則才克濟艱族有紛爭仗義執言以排解之旦豐於資祠有公務出鏹以豫備之至若厠身管鑰會計簿書人則質諸鬼神而無疑出則對諸鄉族而無愧由是觀之其有功於宗族者豈淺鮮哉茲當譜牒告成予董是役爰序 公之實錄以梓諸譜後之人覽譜者其亦將有感發而興起焉是為序

忆祖父绍仁翁

余祖父绍仁翁讳神佑，生于清宣统三年，正值辛亥革命改朝换代，兵荒马乱之际，虽孙中山先生推翻帝制，建立民国，然大权旁落为袁世凯窃取，继而军阀混战至民生危艰，予高祖秀泉公时期，尚算富裕之家，至曾祖藻懿公时家境迅速陵夷，或因苍天不济，难知其因也。高祖母濮氏，弱女之流，生五子，祖父排行居长，青年时期德配谭氏，后政府征召外出当壮丁参加国民军，一去数载，未计其时也！及余生长从邻里长者口中听闻，祖父曾参与抗日后经多年内战（打过辽沈大战、四平街战役），在一次战斗中全连覆没之时，从阵亡将士堆里爬出幸存一命，辗转曲折，重归桑梓。

不幸而有幸，幸而又有遗憾，祖父与发妻谭氏未曾生育，愁于子嗣屡抚继养无果，后带一颜氏女童，取名爱莲，自幼呵护视若掌上明珠，及长赘谢桂清为婿。而祖父素以勤劳著称，日中在集体出工，早晚提灯拔火带领女婿兼抓家庭副业，子婿桂清自是不愿如此辛劳，意见分歧，遂携妻回谢家湾不返，对于祖父来说无疑伤情最重。一九六八年元配谭氏去世，更增孤寂，而予祖母何氏秀英同样命苦，先嫁衡邑白鹤塘向氏，生予父不几年，因饥荒夫故无依，后经人介

绍，与祖父结合，此又为幸事也。公得妻又得子，欣喜之时为子取名云典，从兹阖家欢乐，诸事顺畅。祖父虽无其它一技之长，但作田弄土是里手行家，春夏秋冬总有应时作物，看养鸭群，也算是兼营产业。彼时农家自种棉花与苧麻，纺纱拟线而后织成布匹，祖母则有一台木架织布机，平常为乡邻织布，也可赚些收入以济家用。正所谓男耕女织，珠联璧合，家庭渐入佳境，一九七八年予父母结为连理，越明年生予，越三人年生予弟衡国，见从此后继有人，祖父喜上眉梢，家人也为之高兴，在予汤饼之日，三叔公金华翁怜兄之艰难，故给予取名衡发。其寓意望予家兴旺发达，祖父待予兄弟更是如同含饴，曾记幼时祖父渐老，仍然勤俭如旧节衣缩食，有好吃的总不忘给我们一口，每当想起彼时情景，心中不免泛起涟漪。祖父平常不苟言笑，但总不乏那种温情，那种亲切，给人一种暖意，那种苍劲，那种从容，永远永远定格在予心中。

一九八五年，祖父走完人生最后历程，因中风而长逝，享年七十有四，予父泣血稽顙，捧灵扶柩将其安葬于后山杉园，风水宝地，从此与青山作伴，与绿竹为邻！